



MILIKUANEKO PARRAPEIA



Aspalditxuan asko ezkutau baldin badira be, zeñek ezttitu ezagutu baserrixetako hormetan edo etxe-aurrian mahats-parrak? Berrogei urtetik gorako gehixenok, behintzat, akordauko zariella uste dot. Sasue batian txakoliña dezente egiñ ten ei zan Oñati aldian. Gesaltzako Graziano Anduagak esaten ebenez, Arantzazu auzuan be bai.


Fotografixa honetan agiri dan mahats-parria be Arantzazu auzokua da; Milikuaneke ostatu aurrian XX. gizaldixaren hasieran-edo jarri eta gerra osterarte irauñ ebena. Fotografixia 1924kua dala adierazten xaku barrenian; eta hor gaztetxua dan arbolia majo zabaldu ei zan azkenera orduko. Udako bero-sargorixan kerizpe ederra egongo zan parrapeian.

Aurrian agerketan diran sei gizakumietatik frailliak bakarrik identifikau dittugu: ezkerretik hirugarrena Aita Jose Adrian Lizarralde (1884-1935), eta bosgarrena, barriz, Aita Jose Martin Arrue (1884-1960). Bata nahiz bestia pertsonaje ospetsuak izan gittuan XX. mendiaren lehenengo hamarkadetan euskal kulturaren saillian. Iñork ezaguketan dittu beste lau jaun dotonok?

J. A. Lizarralde zaldibiarra historia-alorrian nabarmendu zan eta oñatiarrontzat interes haundiko lanak idatzi zittuan: *Historia de la Universidad de Oñate* (1930) eta *Historia de Aranzazu* (1950) bestiak beste; Oñatiko herrixak kale baten izena eskiñ otzan Etxaluze-Bidaurreta inguruetan. J. M. Arrue aretxabaletarra musikua, idazlia eta beste gauza asko izan zan; bere lan ugarixen artian bat aittatuko dogu: peregrinaziñuetako himno ofizial bihurtu dan *Gure herrietatik gatoz gaur Arantzazura* izenekua.

J. E.

Fotografixia Aita Pello Zabalak itxittakua da eta argibidiak Pello berak eta Anjel Mari Milikuak eskuratu doskue.

Orain Oñatin ING  DIRECT kontratatu zenezake %4 interesan (T.A.E.) lehenengo pezetatik epe gabe eta nahi duzunean eramateko aukerarekin. Kontratatzean opari bat egingo dizuegu

Foruen enparantza, 5-6
Tfnoa. 943 71 67 66 • Faxa 943 71 67 67

Rafael
Kortabarría